



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 105. Galliarum Rex a Lucensibus & Pisanis receptus.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

§. CV.

Sæcul. XV.

A.C. 1494.

Galliarum Rex a Lucensibus & Pisanis receptus.

Cum Calabriae Dux unicus Alphonsi Filius Faventiae, ad cujus urbis moenia sese receperat, haud ultra tutus esset, Albinio camporum planitiem cedebat, suasque copias verius Cesenam toto pedum studio Neapolim reducebat. Præterea Fridericus Arragonius, qui Regis Neapolitani fratris sui classi imperabat, Liburni portu excedere, atque in altum profugere compulsus est, ne quidem ad ullum Ecclesiasticæ ditionis portum adpellere ausus. Tunc demum cæptis Caroli consiliis, armorumque progressibus fortuna undique adspirare videbatur, qui die octava Novembris Lucam delatus, velut urbis hujus Princeps, ac Rector, summis honoribus excipitur, inde Pisas contendens, festivis civium acclamationibus salutatur; sibi enim Pisani gratulabantur oblatam occasionem, qua tandem Florentinorum, sub quorum dominatu per octoginta sex annos gement, jugum excutere possent; eorum enim urbs olim ad Reipublicæ normam regebatur, omni felicitatum genere cumulatissima, postea vero intestinis Appianorum, & Vice-Comitum dissidiis in varias factio-

*Surita c. 36.**Burchard.**lib. 2.**num. 104.**Comm. l. 7.**c. 7. p. 37.*

Sæcul. XV. factiones scissa atque Appianorum impe-
 A. C. 1494. rio subjecta fuit, donec Vice-Comites his
 potentia superiores Rempublicam subju-
 gassent, eandemque Mediolanensi Ducatui
 adjunxissent, quam tamen denuo ab-
 straxit Joannes Galeatius, illam ce-
 dens Gabrieli Galeatio Notho ejus filio,
 qui cum hostibus suis resistendo impar
 esset, urbem hanc Florentinorum arbitrio
 reliquit, sub quorum jago Pisani longo
 annorum intervallo lugere compulsi sunt.
 Post hæc vero Ludovicus urbem recu-
 perandi cupiditate stimulatus, unicum in
 seditione remedium quærebat, unde op-
 portunitate temporis usus, Galeatium
 Sansaverinatem, qui notham Ludovici
 filiam conjugem habebat, ad Pisanos ab-
 legat, eo consilio, ut civibus exponeret,
 jam satis diuturna servitute oppressos
 fuisse, nunc tandem facillimam illis offer-
 ri occasionem, qua servilis jugi vincula,
 si vellent, dirumpere possent, nam Ca-
 rolum VIII. eorum libertatem summis
 votis exoptare, non equidem eum aper-
 tis id testari argumentis, præpediente
 foedere nuperrime cum Florentinis inito,
 re tamen ipsa illum maxime gavisurum,
 si Pisanorum Respublica hoc servitutis
 jugum a se depelleret, quin tamen palam
 fieret, quod ipse suam hac in re ope-
 ram contulisset.